

HEREDERONAN DI PROMESANAN, PREZUNAN DI SPERANSA




Lès 9 pa Novèmber 29, 2025

“ Bolbe na boso lugá fortifiká, O prezunan di
speransa; awe Mi ta deklará ku lo Mi debilbé dòbel
na boso ” (Zakarias 9:12, Esv)



E 12 TRIBUNAN DI ISRAEL



Hopi di e buki di Josué, kapítulon 13 pa ku 21, ta trata ku e distribushon di e tera di Kanaan entre e varios tribunan di Israel.

Entre e referensianan na lugánan, pueblonan, i tribunan, nos por mira un tera ku ya kaba tabata Israel su herensia, pero kual, na mes tempu, nan ainda no a posee completamente.

Hesus Su morto ta sigurá nos ku awor nos a heredá e tera ku Adam i Eva un biaha a pèrdè. Sinembargo, ainda nos ta “katibunan(prishoneronan) di e speransa ” di risibi esaki.


A E tera ku tabata pèrdí

B E tera ku Dios ta duna

C Konkistá e tera

B' Retené e regalu

A' E tera rekobrá



E TERA KU TABATA PÈRDÍ

" Asina Señor Dios a mand'é bai for di e Hòfi di Edén pa kultivá e tera for di kual el a wǎrdú tumá " (Genesis 3:23 NIV)


Dios a apuntá Adam i Eva komo gobernadónan di e mundu aki (Gen. 1:27-28), i a pone nan den e Hòfi di Edén (Gen. 2:8).

Ora ku nan a desobedesé Dios, nan a wòrdú saká for di einan (Gen. 3:23). Nan a pèrdè dominio riba e Tera.

Pero Dios tabatin un plan pa humanidat rekobrá e tera pèrdí. Den e promé fase, El a duna Abraham, Isaak, i Jakòb un pida di tera chikitu: Kanaan (Gen. 13:14-15).

Gradualmente, e poseshon lo wòrdú ekstendé na e tera completo, segun ku e konosementu di Dios tabata alkansá tur pueblo i nashon (Isa. 11:9).

Israel su desobedensia a guia na un kambio den e plannan original. Dios a lanta yiunan di Abraham for di e piedranan pa heredá Su promesanan: nos (Lukas 3:8; Hebreonan 6:11-12).



E TERA KU DIOS TA DUNA

"E tera ta di Señor, i tur loke e ta kontené, e mundu, i tur esnan ku ta biba den djé." (Salmo 24:1)

Meskos ku Adam i Eva no a hasi nada pa merese e Hòfi di Edén, Abraham i su desendientenan no a hasi nada pa merese e Tera Primintí. Esaki tabata un regalo for di Dios.

Nos por kompará e regalo aki ku un kas di hür. Ounke Israel por biba na Kanaan, e tera a keda Dios Su poseshon (Salmo 24:1).

E doño di e kas ta esun ku ta kuida pa e manteneshon di e dak, e instalamentu di tubo, ètc. Similarmente, Dios ta Esun Kende a proveé pa e awaseru, a protehá e kosechanan, ètc., asina ku Israel por biba ku konfiansa den e tera ku Dios a duna nan.



Manera den Edén, tabatin hür pa “paga”: obedensia (Lev. 20:22). E tabata realmente un asunto di relashon: stimando Dios i desfrutando di Su bendishonnan.




Ayera, manera awe, esaki ta keda un asunto di fe (Heb. 11:9-13).

KONKISTÁ E TERA

“ i partié komo un erensia entre e nuebe tribunan i mitar di e tribu di Manasés ” (Josue 13:7)

Ora ku Josué tabata bieu, Dios a komand'é pa divide e tera entre e tribunan di Israel, inkluyendo e teritorionan no-konkistá (Josue 13:1-7).

E tera tabata di nan, pero tòg nan mester a hasi un esfuerso pa poseé esaki. Dios no ta aktua independientemente di hende; E kier pa nos hasi nos parti.



Ounke nan a bringa pa viktoría, nan éksito no tabata nan propio mérito, pero esun di Dios (Deut. 9:5). Meskos ku Israel, nos no por hasi nada pa optene salbashon i heredá e promesanan. (Efe. 2:8-9; Gal. 3:29). Pero si nan a bringa... kiko nos lo tin ku hasi awe?

Una bes salbá, Dios ta rekerí dos kos di Su herederonan: obedensia (Fil. 2:12); i gratitut (Heb. 12:28).



RETENÉ E REGALU

" E tera no mester wòrdu bendí permanentemente, pasombra e tera ta di Mi i boso ta biba den Mi tera komo stranheronan " (Levitiko 25:23)





Una bes ku e herensia a wòrdu risibí, tabatin reglanan speshal ku ta goberná e uzo di e tera: e aña sabátiko i e hubileo.

E aña Sabátiko, un ekstenshon masha ekstensivo di e Sabat, a permití e tera pa sosega (Lev. 25:2-5).

Fayo pa opservá e lei aki tabata un di e motibunanan pa e eksiliado (2 Kron. 36:20-21).

E hubileo a envolví e dunamentu bèk di teranan na nan doñonan original, evitando desigualdatnan soshal (Lev. 25:10, 23, 40-41).

Den esensia, esaki ta e propósito prinsipal di e evangelio: pa kita e distinshon entre e riku i e pober, dunadó di trabou i empleado, privilegiá i sin privilegionan, poniendo nos tur riba base firme(fundeshi) igual dor di rekonosé nos nesesidat kompleto di Dios Su gracia.



E TERA REKOBRA

" Nan lo biba den e tera ku Mi a duna Mi sirbidó Jakòb, e tera kaminda boso antepasadonan tabata biba. Nan i nan yiunan i nan yiunan su yiunan lo biba einan pa semper, i David Mi sirbidó lo ta nan prens pa semper" (Ezekiel 37:25)

Pa motibu di nan desobedensia, Israel a wòrdu ranká ku reis i tur for di nan tera i tirá den Babilonia. Pero Dios no a bandoná nan.

El a primintí pa trese nan bèk, duna nan e tera pa semper, i pone David komo rei riba nan (Ezek. 37:25). Pero Israel no a poseé e tera ei pa semper, i David tabata morto pa un largu tempu. Kiko, anto, e profesia aki ta nifiká?



Aki Hesus ta wòrdu proklamá, e berdadero Rei Kende ta reina eternamente. E Kende, dor di Su sanger, ta sigurá nos di un erensia etèrno.

E ta e kumplimentu di tur e promesanan (Rom. 15:8; 2 Kor. 1:20). Den djÉ nos ta risibi bendishonnan awor i, den futuro, e herensia promintí (1 Pedro 1:3-4). Pronto, nos pianan lo baha den e Tera Primintí.



“ Dor di desobedensia na Dios, Adam i Eva a pèrdè Edén, i pa motibu di piká e mundu kompleto tabata maldishoná. Pero si Dios Su pueblo a sigui Su instrukshon, nan tera lo wòrdu restorá na fertilidat i bunitesa. Dios Mes a duna nan direkshonnan den respekto na e kultura di e tera, i nan mester a kooperá kunÉ den esaki su restorashon. Asina e tera kompleto, bou di Dios Su kontrol, lo bira un lès di opheto di bèrdat spiritual. Manera den obedensia na Su leinan natural e mundu(ter) mester produsi su tesoronan, p’esei den obedensia na Su lei moral e kurasonnan di e pueblo mester a reflehá e atributonan di Su karakter. ”